

## OFFERYNNAU STATUDOL CYMRU

# 2018 No. 191

## Rheoliadau Addysg (Cymorth i Fyfyrrwyr) (Cymru) 2018

### RHAN 11

#### GRANTIAU AR GYFER DIBYNYDDION

##### PENNOD 1

##### CYFLWYNIAD

#### Grantiau ar gyfer dibynyddion

**68.**—(1) Mae'r canlynol yn grantiau sy'n cael eu rhoi ar gael gan Weinidogion Cymru i fyfyrwr cymwys mewn cysylltiad â chostau sy'n gysylltiedig â dibynyddion penodol y myfyriwr ar gyfer blwyddyn academiaidd—

- grant oedolion dibynnol (gweler Pennod 2);
- grant dysgu ar gyfer rhieni (gweler Pennod 3);
- grant gofal plant (gweler Pennod 4).

(2) Yn y Rheoliadau hyn, cyfeirir at y grantiau hynny gyda'i gilydd fel "grantiau ar gyfer dibynyddion".

#### Gwybodaeth Cychwyn

**11** Rhl. 68 mewn grym ar 12.3.2018, gweler [rh. 1\(2\)](#)

#### Amodau cymhwyso i gael grantiau ar gyfer dibynyddion

**69.**—(1) Mae myfyriwr cymwys yn cymhwyso i gael unrhyw grant penodol ar gyfer dibynyddion mewn cysylltiad â blwyddyn academiaidd o'r cwrs presennol—

- os yw'r myfyriwr yn bodloni'r amodau cymhwyso ar gyfer y grant hwnnw,
- os nad yw'r myfyriwr yn dod o fewn unrhyw un neu ragor o'r eithriadau ym mharagraff (2), ac
- os yw cwrs presennol y myfyriwr yn gwrs rhan-amser, os yw'r dwysedd astudio ar gyfer y flwyddyn academiaidd yn 50% o leiaf.

(2) Yr eithriadau yw—

#### Eithriad 1

Mae'r myfyriwr cymwys yn garcharor, oni bai—

- bod y cwrs presennol yn gwrs rhan-amser, a
- bod y myfyriwr yn mynd i'r carchar neu'n cael ei ryddhau o'r carchar yn y flwyddyn academiaidd o dan sylw.

*Statws Golwg cyfnod mewn amser fel yr oedd ar 12/03/2018.*

*Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)*

### Eithriad 2

Mae'r myfyriwr cymwys yn fyfyriwr cymwys Categori 6 yn rhinwedd paragraff 6(1) o Atodlen 2 yn unig ac nid yw'n dod o fewn unrhyw un neu ragor o'r categorïau eraill o fyfyriwr cymwys a bennir yn yr Atodlen honno.

### Eithriad 3

Mae'r flwyddyn academiaidd yn flwyddyn y mae'r myfyriwr yn gymwys i wneud cais mewn cysylltiad â hi am—

- (a) bwrsari gofal iechyd, neu
- (b) lwfans gofal iechyd yr Alban,

a gyfrifir drwy gyfeirio at incwm y myfyriwr (pa un a yw swm y cyfrifiad yn cyfateb i ddim ai peidio).

### Eithriad 4

Mae'r myfyriwr cymwys yn ymgymryd â blwyddyn academiaidd o gwrs mynediad graddedig carlam, ac eithrio blwyddyn gyntaf y cwrs.

### Eithriad 5

Mae'r cwrs presennol yn gwrs dysgu o bell.

### Eithriad 6

Mae'r myfyriwr cymwys yn ymgymryd â blwyddyn academiaidd o gwrs rhyngosod pan fo swm cyfanredol y cyfnodau o astudio llawnamser yn llai na 10 wythnos (oni bai ei bod yn flwyddyn y mae rheoliad 44(2) yn gymwys iddi).

### Eithriad 7

Mae'r person y mae'r myfyriwr cymwys yn gwneud cais mewn cysylltiad ag ef—

- (a) yn fyfyriwr cymwys, a
- (b) yn cael dyfarndal statudol.

## Gwybodaeth Cychwyn

**12** Rhl. 69 mewn grym ar 12.3.2018, gweler [rhil. 1\(2\)](#)

## Dehongli Rhan 11

**70.**—(1) Yn y Rhan hon—

ystyr “blwyddyn academiaidd gyfredol” (“*current academic year*”) yw blwyddyn academiaidd y cwrs presennol y mae'r myfyriwr cymwys yn gwneud cais am grant ar gyfer dibynyddion mewn cysylltiad â hi;

ystyr “oedolyn dibynnol” (“*adult dependant*”) yw oedolyn—

- (a) sy'n ariannol ddibynnol yn gyfan gwbl neu'n bennaf ar y myfyriwr cymwys, neu
- (b) sy'n ariannol ddibynnol yn gyfan gwbl neu'n bennaf ar y myfyriwr cymwys ac ar bartner y myfyriwr cymwys gyda'i gilydd,

ond nid plentyn y myfyriwr cymwys, partner y myfyriwr cymwys (gan gynnwys partner y mae'r myfyriwr cymwys wedi gwahanu oddi wrtho) neu gyn-bartner y myfyriwr cymwys;

ystyr “plentyn dibynnol” (“*dependent child*”) yw plentyn—

- (a) sy'n ariannol ddibynnol yn gyfan gwbl neu'n bennaf ar y myfyriwr cymwys, neu
- (b) sy'n ariannol ddibynnol yn gyfan gwbl neu'n bennaf ar y myfyriwr cymwys ac ar bartner y myfyriwr cymwys gyda'i gilydd,

gan gynnwys plentyn i bartner y myfyriwr cymwys a phlentyn y mae gan y myfyriwr cymwys gyfrifoldeb rhiant drosto;

ystyr “rhiant unigol” (“*lone parent*”) yw person—

(a) sy'n rhiant plentyn dibynnol, a

(b) nad oes ganddo bartner.

(2) Yn y Rhan hon, ystyr unrhyw gyfeiriad at bartner person (“A”) yw—

(a) priod neu bartner sifil A, neu

(b) person sy'n byw fel arfer gydag A fel pe bai'r person yn briod neu'n bartner sifil A.

(3) Mae unrhyw gyfeiriad yn y Rhan hon at incwm person neu bersonau yn gyfeiriad at yr incwm hwnnw fel y'i cyfrifir yn unol â'r darpariaethau priodol yn Atodlen 3.

---

#### **Gwybodaeth Cychwyn**

**I3** Rhl. 70 mewn grym ar 12.3.2018, gweler [rhfl. 1\(2\)](#)

**Statws**

Golwg cyfnod mewn amser fel yr oedd ar 12/03/2018.

**Newidiadau i ddeddfwriaeth:**

Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.